



25. februar 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit GEUS-p tiguneqarsinnaanera pillugu:

1. Sulisut qassit, ilanngullugit ujarassiuut, GSG-mit atorfinitsinneqassasut naatsorsuutigineqarpa (GeoSurvey Grønland)?

2. Ukiumut qanoq akeqassava GSG-p ingerlannera (ingerlatsineq aamma ilisimatusarnej/suliniutillu) – aamma illutassaanut sulisullu inissaannut aningaasartuutit qassiussappat?

3. GEUS-p ingerlataanik tigusiniarnermut atatillugu Naalakkersuisut kissaataannut ilaavoq, paasissutissanik katersuivimmik pilersitsinissamut kissaateqarneq. KNR-p oqallitsitsinerani Inuussutissarsiornermut Aatsitassanullu Naalakkersuisup peqataaffigisaani, Naalakkersuisup oqaatigaa paasissutissanik katersivimmut kikkulluunniit aallersinnaatitaassasut. Eqqorpa uuliasioqatigiiffiit/aatsitassarsioqatigiiffiit taamatullu ilisimatusarfiit nunarput pillugu paasissutissanik aallersinnaassammata (imaani nunamilu) ulloq taanna paasissutissat, paasissutissanik katersivimmut anngunniariartut?

a. Taamaassimappat taava sooruna taama pingaartigisoq GEUS-p ilaata taassuma tigusissaa, paasissutissat pineqartut pillugit ullumikkut GEUS-imut aasinnaareeratsigit?

4. Inuussutissarsiornermut Aatsitassanullu Naalakkersuisup KNR-mi oqallitsitsinerami aamma oqaatigaa ”pissusissamisoortoq” GEUS-ip tigusissaa. Ilumut taannarpiaq kisiat Inuussutissarsiornermut Aatsitassanullu Naalakkersuisup GEUS-p tigusissaanut tunngavilersuutigaa – imaluunniit tigusinissaq allanik pissutissamisoortumik iluaqutissartaqarpa?

(Inatsisartunut ilaasortaq Andreas Uldum, Demokraatit)

Tunngavilersuut:

Naalakkersuisut Kalaallit Nunaanni uuliasiorinissamut Aatsitassarsiorinissamullu pilersaarut 2014-miit 2018-mut atuuttussaq saqqummiuppaat. Tassani atuarneqarsinnaavoq, Naalakkersuisut piffissaq pilersaaruserfiusoq qaangiutsinnagu pilersikkusukkaat GeoSurvey Grønland (GSG)O – tassa allatut oqaatigalugu, kissaatigineqarpoq GEUS-p ingerlatai tiguneqassasut (De nationale geologiske undersøgelser for Danmark og Grønland)

Tassunga atatillugu GEUS-p tusagassaqtitsivinnut nalunaarutigaa, kalaallit nunaanni ingerlatanut



DEMOKRAATIT
DEMOKRATERNE

ullumikkut 100 millioner koruunit atorveqartartut, pilersaarummili ersinngilaq Naalakkersuisut qanoq ilillutik tigusinissaq aningaasalersorniarneraaat.

Takuneqarsinnaavorli GSG arlaannaannulluunniit atanani ingerlassasot aamma Aningaasanut Inatsimmut ilaassasoq.

Apeqqutit akeqquneqarput ullut suliffiit naliginnaat qulit iluanni.